



2011-mi TAC-it pisassiissutillu pillugit Inatsisartunut nassuiaat

Maj 2012



Siulequt

2011-mi aalisarnermi pisassiissutit TAC-illu pillugit (TAC = Total Allowable Catch = pisarineqarsinnaasut annertunerpaaffigisinnaasaat) Naalackersuisut sinnerlugit Inatsisartunut nassuiaaasaanga. Inatsisartut pisinnaatitsinerat naapertorlugu Naalackersuisut ukiut tamaasa aalisarnermi TAC-inik pisassiissutinillu aalajangersaasarput, pisassiissutillu taakku agguartarlugit. Pisassiissutit ataasiakkaat pilerneru aammalu taassuma kingorna pisassiissutit Kalaallit Nunaata nunallu Kalaallit Nunaata aalisarneq pillugu isumaqatigiissusiorfigisaasa akornanni qanoq agguarneqarneri nassuiaammi ilaatigut nassuiarneqarput. 2011-mi TAC-it pisassiissutillu tamarmik nassuiaammi allaaserineqarput, tassunga ilanngullugit ukiup ingerlanerani allannguutit.

Aalisarneq pillugu Inatsisartut inatsisissaata nutaap suliarineqarnera Inatsisartut ataatsimiinnissani aggersuni nangissavaat. Aalisarneq pillugu Ataatsimiititaliarsuup isumaliutissiissutaa tunngavigalugu 2011-mi upernaakkut ataatsimiinnermi aamma ukiakkut ataatsimiinnermi Kalaallit Nunaanni aalisarnermi aqqissuussaaneq naleqqussarnissaa pisariaqartoq oqaluseralugu aallartipparput. Ataatsimiinnissani aalisarnermik inuussutissarsiteqarnerup siunissamut qulakkeerinniffiunissaanik siunertaqarnerup suliamik suliaqartut tamarmik soqutigisarisariaqarpaat. Ilaatigut aalisarneq pillugu inatsimmut ilassutit marluk naammassillugit suliarivagut, aalisarnermik inuussutissarsiummi isertitaqarnissamut periarfissanut iluaqutaasinnaasunik annertuumik ingerlatsineru iluanaarutit aningaasaatitigullu aningaasaliinerit annertusinerannik kinguneqartussat. Iluarisimaaqalugu paasivara aningaasaqarneq pitsanngorsarniarlugu inuussutissarsiorput nammineerlutik aamma suliniuteqartut, oqaatigineqareersutullu aalisarnerup ineriartorteqqinnissaani atugassaritineqartuni sinaakkutit pitsaasut Naalackersuisut qulakkeerinneqataaffiginiarpaat. Tamannarpiaq tunngavigalugu ataatsimiinnissani tulluuttuni inatsisitigut nutarterinissat nanginniarpakka.

Paasivara 2011 ataatsimut isigalugu ukiut siuliini ingerlatsinerit pitsaasut nanginneqarsimasut, ukiup siulianut sanilliullugu kingumut pitsaanerujussuarmik ukioq isertitaqarfiulluni, neriuppungalu siuariartorneq taanna aqqissuussaaneq naleqqussaansat ingerlaqatigalugit ukiuni aggersuni ingerlaannassoq.

Nalunaarutit arlallit nutaat Naalackersuisut 2011-mi ukiup naalernerani akueraat, tassunga ilanngullugit ilaatigut nalunaaruteqartarnissaq aamma saniatigut pisarisuukkat pillugit nalunaarutit kiisalu piujuartitsineq siunertarlugu aalisarnerup teknikkikkut iluarsartuussivigineqarnera pillugu nalunaarut, ukiup nikinnerani atulersinneqartut. Nalunaarutini taakkunani allannguutit raajarniarluni aalisarnerup akuerineqarsinnaasutut MSC-mit (Marine Stewardship Council) allagartalerneqarnissaanut piumasaqaatit pingaaruteqartut ilagaat.

Suliassarpasuit 2011-mi aqqitagut pillugit aalisartut kattuffiisa pitsaasumik suleqataasimanerannik naggasiullugu qutsavigissavakka. Neriuppunga ataatsimiinnissani tulluuttuni Kalaallit Nunaanni aalisarnermi nutarterinerup immikkoortuata aappaa aallartikkutsigu suleqatigiinnerput pitsaasoq ingerlatiinnassagipput.



Aalisarnermut, Piniarnermut Nunalerinermullu Naalakkersuisoq
Ane Hansen
Nuuk, maj 2012

Saqqani assimi takutinneqarpoq Uummannap sulluani kalaallit aalisariutaat.
Najoqqutaq: Nordjyske.

Imarisai:

SIULEQUT	1
1. TUNULIAQUT SIUNERTARLU.....	5
2. AALLAQQAASIUT.....	5
3. KALAALLIT NUNAATA AALISARNERUP ANINGAASATIGUT INERIARTORNERA PILLUGIT NASSUIAATIT.....	FEJL! BOGMÆRKE ER IKKE DEFINERET.
3.1 Kalaallit Nunaanni aalisarnermi aningaasaqarneq	Fejl! Bogmærke er ikke defineret.5
3.2 Raajat.....	6
3.3 Qalerallit.....	7
3.4 Torsk.....	8
3.5 Aalisakkat allat.....	8
3.6 Avammut tunisat tamarmiusut	8
4. RAAJAT.....	8
4.1. Kalaallit Nunaata Kitaa	8
4.1.1. 2011-mut TAC-mik aalajangersaaneq	8
Tabel 1: Kalaallit Nunaata Kitaani 2004 – 2011-mut raajat pillugit biologinit siunnersuut (tons).....	9
4.1.2. Pisassiissutit avataasiortut sinerissamullu qanittuani aalisartunut agguarneri	9
4.2. Tunu	9
4.2.1. 2011-mut TAC-mik aalajangersaaneq	9
Tabel 2: Tunumi raajat pillugit biologinit 2004-2010-mut siunnersuineq.....	9
4.3. Nunat tamalaat imartaanni raajartassiissutit.....	10
4.3.1. Flemish Cap-imi raajat, NAFO-mi sumiiffik 3M	10
4.3.2. Grand Bank-imi raajat, NAFO-mi sumiiffik 3L	10
4.3.3. Svalbardip eqqaani raajat	10
5. AALISAKKAT ALLAT	11
5.1. Kalaallit Nunaata Kitaa	11
5.1.1. Qalerallit	11
5.1.2. Imminnguit	11
5.1.3. Suluppaakkat	11
5.1.4. Nataarnat	12
5.1.5. Qeeqqat.....	12
5.1.6. Ammassaat	12
5.1.7. Saattuat	12
Tabel 3: Aavataani aalisarnermi saattuat pillugit TAC 2003-2011 (tons)	12
5.2. Tunu	12
5.2.1. Qalerallit.....	12
5.2.2. Imminnguit	13
5.2.3. Suluppaakkat naqqasiortut	13
5.2.4. Nataarnat	13
5.2.5. Qeeqqat.....	13

5.2.6. Ammassaat	13
5.2.7. Blåhvillingit.....	14
5.2.8. Ammassassuit.....	14
5.2.9. Misileraalluni aalisarneq	14
5.3. Kalaallit Nunaata Kitaa Tunulu.....	15
5.3.1. Saarullit	15
5.3.2. Suluppaakkat ikerinnarsiortut	15
6. SENERISSAMUT QANITTUMI AALISARNEQ.....	15
6.1 Raajat.....	15
Tabel 4: Sinerissami qanittumi raajat pisat 2004 – 2011 (tons).....	16
6.2. Saattuut	16
Tabel 5 2004 – 2011-mi sinerissamu qanittumi saattuarniarnemri TAC (tons).....	16
6.3. Uiluiit	16
Tabel 6: 2004 -2011 uiluinnut pisassiiffiit aamma TAC.....	16
6.4. Qalerallit.....	17
Tabel 7: Piffissami 2003-2011-mi sinerissamut qanittumi qaleralittat uumatillugit oqimassusii):.....	17
6.5. Saarullit	18
Tabel 8: Sinerissamut qanittumi pisat 2003 – 2011 (tons).....	18
6.7. Kapisillit	18
7. KALAALLIT NUNAATA NUNALLU KALAALLIT NUNAATA AALISARNEQ PILLUGU ISUMAQATIGIISSUSIORFIGISAATA AKORNANNI PISASSIISSUTINIK AGGUAANEQ.....	18
7.1. EU.....	18
Tabel 9: Kalaallit Nunaata Kitaani EU´p aalisarsinnaanermut periarfissai (tons):	19
Tabel 11: Kalaallit Nunaata Kitaani Tunumilu EU´p aalisarsinnaanermut periarfissai (tons):	19
7.2. Savalimmiut	19
7.3. Norge.....	20
Tabel 12: Kalaallit Nunaata eqqaani Norgemut pisassiissutit 2011 (tons):	20
7.4. Rusland.....	21
Tabel 13: Kalaallit Nunaanni 2011-mi Ruslandimut pisassiissutit (tons):.....	21
7.5. Island	21
7. 6 Nunat marluk nunallu amerlasuut suleqatigiinnerat.....	21
8. ILANNGUSSAQ 1: AVATAASIORLUNI AALISARNEQ – 2011-MUT PISASSIISSUTIT AAMMA ILANNGUSSAQ 2: SENERISSAMUT QANITTUMI AALISARNEQ – 2011-MUT PISASSIISSUTIT.....	22

1. Tunuliaqutaa siunertaalu

Kalaallit Nunaata aalisarnermik oqartussaaffigisaani aalisakkanik 2011-mut TAC-it pisasiissutillu aalajangerneqartut pillugit Inatsisartut inatsisaanni nr. 18, 31. oktober 1996-imeersumi § 5, imm. 1 aamma 2 malillugit Naalakkersuisut matumuuna nassuiaateqassapput.

2. Aallaqqaasiut

Kalaallit Nunaata aalisarnermi oqartussaaffiani aalisakkanut arlalinnut TAC-nik Naalakkersuisut ukiut tamaasa aalajangersaasarput. Kalaallit Nunaanni aalisarnernut aamma nunanut Kalaallit Nunaata nunat marluk akornanni aalisarneq pillugu isumaqatigiissusiorfigisaanut Naalakkersuisut taassuma kingorna pisasiissutinik agguasaarput.

Aalisagaqatigiit assigiinngitsut pillugit biologit siunnersuutaat tunngavigalugu TAC-it aalajangersarneqartarput. Nunat tamat aalisarnermik ilisimatusarnermi suleqatigiiffiinit paasissutissiissutit siunnersuinermi tunngaveqartarput, tassa ICES (International Council for Exploration of the Sea) aamma NAFO (Northwest Atlantic Fisheries Organization), tassani kalaallit biologiisa suleqatit nunanit Atlantikup Avannaani nunaneersut arlallit suleqatigisarpaat. Aamma paasissutissat logbogineereersut aalisagaqassutsimik nalunaarsuinermik suliaqarnermi pingaaruteqartorujussuupput. Aalisagaqatigiit tamaasa pillugit siunnersuutit, raajat saattuallu pinnagit, ukiumi kvartalit aappaanni nalinginnaasumik saqqummiunneqartarput, taavalu raajat saattuallu pillugit siunnersuutit aatsaat novemberip naanerani saqqummiunneqartarlutik.

Aalisarneq pillugu inatsimmi § 32, imm. 3 malillugu Naalakkersuisut TAC-mik aalajangersaatinnagit aalisarneq pillugu inatsit malillugu Aalisarneq pillugu Siunnersuisoqatigiit tusarniaaffigineqassapput. Aalisarneq pillugu Siunnersuisoqatigiinni GA aamma KNAPK ilaasortaapput, taakkualu saniatigut ataatsimeeqataasartut arlallit, ilaatigut SIK, NUSUKA, KANUKOKA, Aalisarnermut, Piniarnermut Nunalerinermullu Naalakkersuisoqarfik, Pinngortitaleriffik, Kalaallit Nunaanni Aalisarsinnaanermik Akuersissutinik Nakkutilliisoqarfik, Inuussutissarsiornermut Suliffeqarnermullu Naalakkersuisoqarfik kiisalu Aningaasaqarnermut Naalakkersuisoqarfik.

3. Kalaallit Nunaanni aalisarnerup aningaasatigut ineriartornera pillugu nassuiaat

3.1 Kalaallit Nunaanni aalisarnermi aningaasaqarneq

Kalaallit Nunaata avammut nioqqutigisartagai annertunerusumik tassaapput aalisakkanik qalerualinnillu tunisassiat, taakkua Kalaallit Nunaata 2011-mi avammut tunisaasa¹ 93 %-iannik annertussuseqarput, tamannalu 2010-mut sanilliullugu 5 procentpointinik qaffariarneruvoq. Aalisakkanik qalerualinnillu avammut tunisat tasaanerupput qalerallit, saarulliit raajallu, taakkulu kalaallit aalisartuisa pisarisaasa annertunerpaartaraat. Taamaammat taakku akiisa allanngorarneri Kalaallit Nunaata aningaasaqarneranut aalisartullu ataasiakkaat isertitaqarnerannut pingaaruteqarput.

Ataani nassuiarneqarput raajat, qalerallit saarulliillu avammut tunineranni nalingi, taakku Kalaallit Nunaanni aalisarnermi pingaarnerpaajupput Kalaallit Nunaata 2011-mi avammut

¹ Kalaallit Nunaanni Naatsorsueqqissaartarfik, Nunanik allanik niueqateqarneq 2011 (kisitsisaagallartut) 2012:1.

tunisaasa tamarmiusut nalingisa 84%-it missaaniipput. Aalisagaqatigiit pingasut taakku tamarmiusut avammut tunisat tamarmiusut 91%-eraat¹, taakkunanngalu raajat 59 %-iupput.

Kalaallit Nunaat annertunerusumik Danmarkimut EU-milu nunanut allanut avammut tunisisarpoq, taakkunanngalu nioqqutissiarpassuit EU-mit avammut tunineqaqqittarlutik.

Tunisassiat MSC-mit akuerineqarnerannik allagartallit pisisartut ukiuni kingullerni annertusiartortumik ujartulernikuuaat. Pissuseq tamanna tunisassiat taakku tuniniaavinni akiisa qaffakkiartornerannut sunnisarpoq kiisalu tunitsiviusartut aalajangiussimanerint. Kalaallit Nunaanni aalisarnermik inuussutissarsiortut taamaalillutik pingaartumik raajat siunissamilu qalerallit aalisakkallu allat MSC-mit akuerineqarnerannik allagartalerneqarnissaat soqutigisorujussuuaat.


Kalaallit Nunaanni aalisarnerup aaqqissuussaanera ingerlaavartumik allanngoriartorpoq, aam-malu Aalisarnej pillugu Ataatsimiititaliarsuup isumaliutissiissutaani 2009-meersumi tikkuarneqarpoq aalisartut ataasiakkaat inuiaqatigiillu ataatsimut isigalugit isertitaasa pitsanngoriartornissaanut aalisarnerup annertuunik aningaasaqarfiunissaanut ineriartortoqartoq.

Pingaartumik sinerissap qanittuani qaleralinniarnermi sinneqartoornissamik ajornartorsiorfiusumi aaqqissuussaanermik naleqqussaanissaq pisariaqartinneqarpoq. Ilaatigut tassani aalisartut amerlasuujupput, ilaatigullu aalisarnermi tassani aalisariutit pisoqqat amerlallutik taamaammallu ingerlanneqarneranni imminnut akilersinnaanngivillutik.

3.2 Raajat

Raajat avammut tunisat marlunnut immikkoortinneqarput – raajat qalipaajarneqarsimanngitsut aamma raajat uutat qalipaajakkallu. Raajat qalipaajarneqarsimanngitsut 2011-mi agguaqatigiissillugu akiat kiilumut 15,8 kr-iuvoq, taassuma assigaa 2010-mut sanilliullugu 36,2%-imik qaffariarnerat. Takussutissiami 1-mi takutinneqarpoq piffissami 2002-miit 2011-mut raajat qalipaajarneqarsimanngitsut akiisa allanngornerat. Raajat qalipaajarneqarsimanngitsut 2011-mi avammut tunisat amerlassusaat 2010-mut sanilliullugu 2,2 %-imik appariarput. Akit qaffariarnerat amerlassusaasalu appariarnerat kinguneqarpoq raajat qalipaajarneqarsimanngitsut 2010-mi nalingisa ukiumut siulianut sanilliullugu 172 mio.kr.-inik qaffariarnerat. 2011-mi avammut tunisat nalingat tamarmiusut 692 mio. kr.-inik annertussuseqarput. Takussutissiaq 1-mi kiilumut agguaqatigiissillugu akia akini ingerlaavartuni takutinneqarpoq.

Takussutissiaq 1. Raajat qalipaajarneqarsimannigitsut, raajat uutat qalipaajakkallu aamma qalerallit ilivitsut nalingi akini ingerlaavartuni



Najoqqutaq: Naatsorsueqqissaartarfik: Nunanut allanut niuerneq 2011 (kisitsisaagallartut) 2012:1

Raajat uutat qalipaajakkt 2011-mi akii kiilumut 4,36 kr.-inik qaffariarput, tassa 2010-mut sanilliullugu 16,4%-imik qaffariarlutik. 2010-mi agguaqatigiissillugu akii kiilumut 26,6 kr-iuvoq. 2011-mi akit agguaqatigiissinneri kiilumut 30,96 kr.-iusimapput. 2011-mi avammut tunisat amerlassusaat 2010-mut sanilliullugu 1,9 %-imik appariarput, taakkualu agguaqatigiissillugu akiisa qaffariarnerisigut matuneqarlutik. Raajat uutat qalipaajakkt tamarmiusut nalingi taamaalillutik 2011-mi 85,7 mio.kr.-inik qaffallutik 696 mio.kr.-inut qaffariarput.²

Raajat qalipaajarneqarsimannigitsut raajallu uutat qalipaajakkt avammut tunisat ataatsimut isigalugu 258 mio. kr.-ingajannik qaffariarput, taassumalu assigaa 2010-mut saniullugu 2011-mi 23 %-imik qaffariartut. Tassunga pissutaaneruvoq avammut tunisat amerlassusaasa qaffariarnerat.

Naatsorsuutigisariaqarpoq raajat avammut tunisat tamarmiusut nalingat ukiumi aggersuni annikilleriassasoq imaluunniit taamaaginnassasoq, tassa 2012-mut TAC appartinneqarmat. Aammattaq isumaqatigiissutigineqarpoq TAC suli 2013-mi apparteqqinneqassasoq. Naatsorsuutigineqarporli pisiarineqarsinnaasut ikileriarnerisa kingunerisaanik akii qaffassasut.

3.3 Qalerallit

Qalerallit Kalaallit Nunaanni inuussutissarsiuutagalugu aalisarnermi pingaarnert tulleraat, 2011-milu aalisakkt avammut tunisat tamarmiusut nalingisa 27 %-eralugit. Qalerallit qerisut ilivitsut qaleralinnik tunisassiornerup 77 %-mik tunisassiat avammut tunisat pingaarnersaraat. 2011-mi akii kiilumut 22,8 kr.-iupput³, tassa 2010-mut sanilliullugu 4,12 kr.-imik qaffasinnerulluni. 2010-mi avammut tunisat tamarmiusut amerlassusaat 5 %-imik qaffariarput, taassumalu assigaa 1.248 tonsit. Qaleralinnik tunisassiat ilaasa akiisa qaffariarnerisa kinguneraa 2011-mi qaleralinnik avammut tunisat tamarmiusut nalingisa 19 %-imik qaffariarnerat 603 mio.kr.-innorlutik.

² Kalaallit Nunaanni Naatsorsueqqissaartarfik, Nunanik allanik niueqateqarneq 2011 (kisitsisaagallartut).2012:1

³ Kalaallit Nunaanni Naatsorsueqqissaartarfik, Nunanik allanik niueqateqarneq 2011 (kisitsisaagallartut) 2012:1

3.4 Saarullit

Saarullit pisat 2011-mi amerlassusaat 2010-mut sanilliullugu 4 %-imik 309 tonsinik qaffariarput 8.695 tonsinngorlutik. Saarullit tisaat qerisut avammut tunisat annertussusii 18 %-imik 2.176 tonsinngorlutik 2011-mi qaffariarput. Saarullit tisaat qerisut akii 45,9 %-imik imaluunniit kiilumut 8,95 kr.-inik qaffariarput, tassa agguaqatigiissillugu kiilumut 28,5 kr.-ineqarlutik. Saarullit qerisut ilivitsut akii 21,8 %-imik imaluunniit kiilumut 2,47 kr.-inik qaffariarput, tassa agguaqatigiissillugu kiilumut 13,8 kr.-ineqarlutik. Saarullit tunisassiat tamarmik avammut tunisat nalingat 36 %-imik 153 mio. kr.-inik naleqalerlutik qaffariarput, tassa avammut tunisat nalingi 40,5 mio. kr.-inik qaffariarput. Saarullit avammut tunisat tamarmiusut nalingisa qaffariarnerannut pissutaavoq saarullit akiisa qaffariarnerat kiisalu saarullit tisaatut qerisutut avammut tunisat annertussusaasa qaffariarnerat.

Niuerfinni akit Kalaallit Nunaanni tunisinermi akinut sunniuteqarnera ilaatigut saarullit tunisinermi akiisa 2008-mi akinut sanilliullugu 2009-mi 40 % - 50 %-imik appariarsimaneramik pissuteqarpoq. Akit allanngorpiarsimangillat 2011-mili kiilumut annikitsumik akit 60 ørimik qaffallutik imaluunniit tunisinermi akit agguaqatigiissillugu 4,37 kr.-iusimalluni (aalisaq ilivitsaq)⁴. Tamatumunnga pissutaaneruvoq nunarsuarmi niuerfinni akit ineriartornerat.

3.5 Aalisakkat allat

2011-mi aalisakkanik qalerualinnillu tunisassiat allat avammut tunisat tamarmiusut 34 mio. kr.-inik qaffariarput katillutik 210 mio. kr.-inngorlutik, tamanna 20 %-imik qaffariarneruvoq. Tunisassiallu avammut tunisat pingaarnertit tassaapput suluppaakkat tisaat (70 mio.kr.), nipisat suaat (65 mio. kr.), saattuat (33 mio. kr.) aamma kullerit (9 mio. kr.). Nipisat suaat 2010-mi 39 mio. kr.-iniit 2011-mi 65 mio. kr.-inut qaffariarput, amerlassusaallu 2010-mi 846 tonsiniit 2011-mi 1.204 tonsinut qaffariarput, 42 %-imik amerleriaateqarneq assigalugu. Saattuat pisat amerlassutsimikkut akimikkullu appariarput, 2011-mi nalingi 1,4 mio. kr.-inik annertussuseqarluni, 4 %-imik appariaateqarneq assigalugu.

3.6 Avammut tunisat tamarmiusut

2010-ip 2011-llu akornanni ineriartornermut pingaarnertut takussutissap takutippaa aalisakkat qaleruallillu pingaarnertit arlallit, soorlu raajat, qalerallit, saarullit nipisallu suaasa akii qaffariartut. Allat avammut tunisat annertussusaat allanngorpiarsimangillat. 2011-mi annertussusit tamarmiusut 109.789 tonsiupput, taamaalillutillu aalisakkanut qalerualinnillu nioqqutissianut tamanut ataatsimut 732 tonsinik appariartoqarluni. Pingaarnertigut avammut tunisat annertussusaasigut appariarneq eqqarsaatigalugu tamanna tunisassiat avammut tunisat annertunerusumik suliareqqinneranit illuatungilerneqarpoq, ataatsimut isigalugu tunisat qaffallutik. Aalisakkat qaleruallillu 2011-mi avammut tunineranni nalingat tamarmiusoq 2,36 mia. kr.-ingajaavoq, tassa 2010-mut sanilliullugu 430 mio. kr.-inik qaffariarneq. Tamassuma assigaa aalisakkanik qalerualinnillu tunisassiat tamarmiusut avammut tunineranni 22 %-imik qaffariaateqarneq.³

4. Raajat

4.1. Kalaallit Nunaata Kitaa

4.1.1. 2011-mut TAC-mik aalajangiineq

2011-mut biologit siunnersuutigaat annerpaamik 120.000 tonsinik aalisartoqassasoq. Siunnersuut 2010-mi 110.000 tonsiuvoq.

⁴ Nalunaarsuiffimmit LULI-mit tigusat, aamma Naatsorsueqqissaartarfiup aalisakkat qaleruallillu pillugit tunisat pisallu 2011:2

Raajat pillugit biologit siunnersuinerat ukiuni marlunni kingullerni imatut oqaasertalerneqarpoq, TAC-ip annertussusissaanik aalajangersimasumik toqqaannartumik inassuteqaateqartoqanngitsaq. Tassunga taarsiullugu oqaatigineqarpoq TAC-ip aalajangersimasumik annertussuseqarnerani raajaqassutsip illersorneqarsinnaasup ataaniittoq. Kalaallit Nunaata kitaani 2011-mut raajat pillugit siunnersuinerami taamaalilluni oqaatigineqarpoq TAC tamarmiusoq 120.000 tonsiutillugu raajanik pissarsiassat aalaakkaanissaat nungusaataanngitsumillu aalisarnissap qulakkeerneqarnissaatut naliliisoqartoq.

Tabel 1: Kalaallit Nunaata Kitaani 2004 – 2011-mut biologit siunnersuutaat (tons).

Siunnersuineq	2004	2005	2006	2007	2008	2009	2010	2011
Kitaa	130.000	130.000	130.000	130.000	110.000	110.000	110.000	120.000

Najoqqutaq: Naatsorsueqqissaartarfik.

Kalaallit Nunaata kitaani 2011-mut TAC 124.000 tonsiussasoq Naalakkersuisut toqqarpaat. 2010-mut pisassiissutit 114.570 tonsiullutik.

4.1.2. Pisassiissutit avataasiortunut sinerissallu qanittuani aalisartunut agguarneri

Raajanik pisassiissutit avataasiortunut sinerissallu qanittuani aalisariutinut agguaanneri KNAPK-p taamanilu APK-jusup 2001-imi pisassiissutit agguarneqarnissaannik isumaqatigiissutaat naapertorlugu pivoq. Isumaqatigiissummi, maannakkut Aalisarneq pillugu Inatsimmi aalajangersarneqarnikumi, aalajangerneqarpoq Kalaallit Nunaata kitaani kalaallinut raajanik pisassiissutit agguarneqassasut sinerissap qanittuani aalisariutinut 43 %-inik aalisariutinullu avataasiortunut 57 %-inik.

Agguaanermut tunngavik taanna, kalaallit aalisariutaasa assigiinngitsut marluk akornanni pisassiissutinik agguasarnermi annertuumik pisariillisitsisutut takutitsisoq, 2002-miit atuuppoq.

TAC-mit tamarmiusumit 124.000 tonsiusumit aalisariutit avataasiortut 68.400 tonsinik pissarsipput, sinerissallu qanittuani aalisariutit 51.600 tonsinik. Sinneri 4.000 tonsit EU-mut aalisarnermik peqatigiinnissaq pillugu isumaqatigiissut naapertorlugu aalisariutinut EU-meersunut tunniunneqarput.

4.2. Tunu

4.2.1. 2011-mut TAC-mik aalajangiineq

Tunumi aalisarnermi biologit 2011-mut siunnersuutaat 12.400 tonsiuvoq, tassa 2004-miit allannguisoqarani. Taakkunannga EU 3.900 tonsinik pissarsivoq (pisassiissutit pisassiissutigeqqinnerini Norgemut 3.100 tonsit). Tunumi raajarnarneq taamaallaat avataasiortut aalisartunit ingerlanneqartarpoq. 2004-miit siunnersuutit tabelimi 2-imi takuneqarsinnaapput.

Tabel 2: Tunumi raajar pillugit biologit 2004-2010-mut siunnersuutaat.

Siunnersuineq	2004	2005	2006	2007	2008	2009	2010	2011
Tunu	12.400	12.400	12.400	12.400	12.400	12.400	12.400	12.400

Najoqutaq: Naatsorsueqqissaartarfik.

4.3. Nunat tamalaat imartaanni raajanik pisassiisutit

4.3.1. Flemish Cap-imi, NAFO-mi sumiiffimmi 3M

NAFO-mi sumiiffimmi 3M-imi Flemish Cap-ip eqqaani raajarniarneq nunat tamat imartaanni pisarpoq, raajarniarnerlu NAFO aqutigalugu killilersorneqarluni. Aalisarsinnaanermik akuersissutit ullut aalisarfiusinnaasut atorlugit naatsorsorneqartarput. Biologit 2009-mi siunnersuinerminni inassuteqaatigaat raajat amerlanerpaamik pisarineqarsinnaasut 18.000 aamma 27.000 tonsit akornanniissasut, tassa piffissami 2005-imiit 2007-imut annertoqataanik. 2010-mi biologit suli siunnersuutigaat 2005-imiit 2007-imut amerlassutsit aalisarnermi qaangerneqassanngitsut.

Kalaallit Nunaat 3M-imi ullunik aalisarfeqanngillat, tassa 2010-mi NAFO-mi ukiumoortumik ataatsimiinnermi aalajangerneqarmat biologit siunnersuinerat naapertorlugu unitsitsigallarneq eqqunneqarmat. 2010 Kalaallit ullut aalisarfiit 258-it atorsinnaasimavai, tamannalu siusinnerusumut sanilliullugu affaannanngorsimalluni.

4.3.2. Grand Bank-imi raajat, NAFO-mi sumiiffik 3L

NAFO-mi sumiiffimmi 3L-imi raajat Canadap aalisarnermik oqartussaaffianiinnerupput, kisiannili aamma nunat tamat imartaaniillutik. Biologit 2011-mut siunnersuinerminni inassuteqaatigaat sumiiffimmi tassani pisat 19.200 tonsinik amerlanerpaaffeqassasut. TAC-lu biologit siunnersuutaat malillugu aalajangerneqarluni, tassa 2010-mut sanilliullugu 5.800 tonsinik appariartoqarluni.

Canadap NAFO-llu akornanni 1999-imi isumaqatigiissut naapertorlugu sumiiffimmi tassani raajanik TAC-ip tamarmiusup 5/6-ia Canadap pisassarissavaa, tassa 2011-mi 15.991 tonsit, tassa nunat tamat imartaanni 3L-imi raajat Canadap 200 smilimik killeqarfiata iluani Canadami raajanut ilaammata. Aamma EU nammineq pisasaanik tunineqartarpoq. Sinneruttut, 2011-mi 2.140 tonsiusut, isumaqatigiissut naapertorlugu, NAFO-mi peqataasut qulit allat akornanni assigiimmik agguarneqassapput. NAFO-mut atatillugu Kalaallit Nunaata Savalimmiunit aallartitat, Danmarki Savalimmiut Kalaallillu Nunaat sinnerlugu (DFG), peqatigai, taamaalillunilu pisassiisutit 214 tonsit agguassallugit, taakkulu peqataasut allat 2011-mi pissarsiaasa assigaat.

DFG 2003-miit agguaanermut tassunga akerliliisarnikuvoq, DFG-llu 2011-mi aalajangiuteqqippaa pisassiisutinik agguaneq akerlilerniarlugu, pingaartumik Savalimmiut oqaluttuarisaanermi sumiiffimmi aalisartarnerat pissutigalugu aammalu biologit ilisimatusarnerannut tapersiisarnermikkut isumaqaramik maannakkut agguakkanik TAC-imit annertunerusumik pissarsinissamik piumasaqaateqarsinnaallutik. DFG taamaattumik Kalaallit Nunaat Savalimmiullu sumiiffimmi 3L-imi 2010-imut raajanik 1.985 tonsinik imminnut pisassipput, taakkunanga Kalaallit Nunaata 340 tonsit pissarsiarai. Imminut pisassiisutit qaffariaataasa TAC-ip NAFO-p siorna aalajangigaata qaffariaataata assigaa.

4.3.3. Svalbardip eqqaani raajat

Norgemut aalisarneq pillugu 1992-imi isumaqatigiissuteqarnermi Kalaallit Nunaata ilisimatitsissutigaa Kalaallit Nunaata/Danmarkip ”sumiiffik aalisarnermi illersuiffik” Svalbardip eqqaani aalisarnermik Norgep killilersuiffigiliga pillugu Norgep kisimiilluni nalunaaruteqarnera akuersaarnagu. Kalaallit Nunaata ukiut tamaasa Norgemut nunat marluk akornanni isumaqatigiinniarnermi inissisimanini isumaqatigiissummut ilassummi ilanngunneqartartoq saqqummiuttarppaa. Taamaalilluni 2011-mut isumaqatigiissummut ilassut imatut oqaasertalerneqarpoq:

”Svalbardip eqqaani raajarniarneq eqqarsaatigalugu Svalbardip eqqaani raajarniarneq pillugu malittarisassat 19. juli 1996-imi atuutilersinneqartut atuutitiinnarneqarnissaat Norgemit aallartitat innersuussutigaat. Kalaallit aallartitaasa tassunga atatillugu killilersuineranut tassunga isumartik PM-imi Norgemi oqartussanut 11. september 1997-imi tunniunneqartumi ersittoq innersuussutigaat.”

Kalaallit Nunaat 1980-ikkut aallartinneranniit Svalbardip eqqaani raajarniarnikuunngilaq, Kalaallilli Nunaata siunissami aalisarsinnaanermut periarfissaqarneq taamaatinnikuunngilaa. Svalbardip eqqaani raajarniarneq pillugu norskit malittarisassaat atuuttut 1997-imeersut (tassa Kalaallit Nunaata akuersaanngisai) malillugit Kalaallit Nunaat aalisariutit tallimat atorlugit ulluni aalisarfiusuni 450-imi raajarniarsinnaavoq.

5. Aalisakkat allat

5.1. Kalaallit Nunaata Kitaa

5.1.1. Qalerallit

Davids Strædemi avataasiorluni qaleralinniarneq pillugu biologit siunnersuummini inassuteqaateqarput 2011-mut TAC 14.000 tonsiussasoq, tassa 2010-mut sanilliullugu allanngorani. Qalerallit Canadap Kalaallit Nunaatalu assigiimmik agguarpaat. Davis Strædemi qaleralesseq aalaakkaasutut isigineqarpoq. Kalaallit Nunaata TAC-mit pisassai taamaalillutik 7.000 tonsiupput.

David Strædemi TAC assigalugu Baffinip Kangerliumanersuani TAC Canadap Kalaallit Nunaatalu agguarpaat. 2011-mut siunnersuut allanngorani 13.000 tonsiuvoq. Tamanna tunngavigalugu pisassiiffimmi Kitaata Kujataani (Davis Strædemi) 6.500 tonsinik aammalu Kitaata Avannaani (Baffinip Kangerliumanersuani) 6.500 tonsinik Naalackersuisut 2011-mut Kalaallit Nunaannut pisassiupput.

Qalerallit agguarneqarnissaat pillugu Kalaallit Nunaat Canadamut aqutsineq pillugu isumaqatigiissuteqanngilaq, TAC-tulli inassuteqaatip affaata assinganik annertussuseqartumik nunat TAC-mik aalajangiisarnerat qangalili periusaasarpoq.

5.1.2. Imminnguit

Kalaallit Nunaata kitaani/Canadami imminnguit pillugit siunnersuut tassaavoq, taakku 2010-mi toqqaannartumik suli aalisarneqassanngitsut. Aalisarnerni allani saniatigut pisat aamma annertunerpaamik killilerniarneqartariaqarput.

Aalisarnermik inuussutissarsiortut naliliupput imminnguanik saniatigut pisaqarani qaleralinniartoqarsinnaanngitsaq. Taamaammat Naalackersuisut 2011-mi saniatigut pisarineqarsinnaasutut 1.000 tonsinik pisassiinissamik aalajangiupput.

5.1.3 Suluppaakkat

Suluppaakkat itisoormiut (*Sebastes mentella*) aamma suluppaakkat angisuut (*Sebastes marinus*) pillugit siunnersuuteqarnermi inassuteqaatigineqarpoq peqassuseq annertuumik pitsanngoriaateqartinnagu taakku toqqaannartumik aalisarneqassanngitsut. Raajarniarnermi suluppaakkat saniatigut pisat annertunerpaamik killilerniarneqartariaqarput.

Naalackersuisut – piffissaq 2005-imiit 2009-mut assigalugu – suluppaakkanik 1.000 tonsinik 2011-mut TAC-mik aalajangiupput.

5.1.4. Nataarnat

Biologit siunnersuuteqanngillat, aammalu nataarnanik annertunerusumik pisaqartoqarneq ajorpoq. Siusinnerusumut sanilliullugu allanngoriartoqanngilaq, Naalakkersuisullu 2010-mut naleqqiullugu pisassiissutit 200 tonsinik ikilisinniarlugit, taamaalilluni 2011-mut pisassiissutit 1.000 tonsinut aalajangerlugit.

5.1.5. Qeeqqat

Biologit siunnersuineranni inassuteqaatigineqarpoq qeeqqat toqqaannartumik aalisarneqassanngitsut. Taamaammatt raajarniarnermi saniatigut pisat annertunerpaamik killilersimaarneqartariaqarput. Peqassutsip ukiuni kingullerni pitsanngoriarnera takuneqarpoq, ikkannersanilu piffissami siviunerusumi qeeqqat amerleqqinnissaannik tamanna isumalluartsilerpoq. Naalakkersuisut 2011-mut TAC-mik 1,000 tonsinik aalajangiipput.

5.1.6. Ammassat

Ammassaat peqassuseq pillugu naammattunik ilisimasaqannginneq pissutigalugu biologit siunnersuuteqanngillat. Ukiuni 1997-imiit 1999-imut ukiumut 25.000 tonsinik pisassiisoqartarpoq, 2010-mullu taakku amerlaqataannik pisassiinissaq aalajangerneqarpoq, ammassanniartoqanngilarli. 2011-mi pisassiisoqanngilaq.

5.1.7. Saattuat

2010-mut naleqqiullugu siunnersuinerimi imatut allannguisoqarpoq: Sisimiut eqqaanni avataasiarluni saattuarniarnermi 2011-mut siunnersuut tassaavoq tamaani aalisarneq matuneqassasoq peqassutsip pilerseqqinneqarnissaata tungaanut. Nuummi-Paamiuni avataasiarluni saattuarniarneq pillugu siunnersuut tassaavoq 2011-mi 1.000 tonsit katillugit pisarineqarsinnaasut, tamannalu 2010-mut sanilliullugu 600 tonsinik apparinarnevoq, tassa 2010-mi pisat ersersimmassuk peqassuseq apparitortoq.

Avataasiarluni aalisarnermi TAC-ip 2011-mi katillugu 500 tonsiunissaa Naalakkersuisut aalajangerpaat, taakku taamaallaat EU-mut tunniunneqassasut.

Tabel 3: 2003-2011-mut avataasiarluni aalisarnermi saattuat pillugit TAC (tons)

Avataasiortunut pisassiissutit	2003	2004	2005	2006	2007	2008	2009	2010	2011
TAC	8.500	2.405	1.500	1.500	500	500	1.930	900	500
taakunanga EU-mut		1.000	1.000	1.000	500	500	500	500	500

Najoqutaq: APNN.

5.2. Tunu

5.2.1. Qalerallit

Tunumi qalerallit Islandi Savalimmiullu peqatigalugit pigineqarput. Aalisarnerup annertunersaa Islandip imartaani qalorsuarsarluni aalisarneruvoq, ukiunili kingullerni aalisarnerup ilaa annertusiartuinnartoq Kalaallit Nunaata imartaanut nuukkiartorsimavoq.

ICES-ip inassuteqaatigaa 2011-mut TAC 2010-p annertoqataanik 5.000 tonsiussasoq. Tamanna 2008-mi TAC-tut inassuteqaatigineqartumut 15.000 tonsiusumut sanilliullugu annertuumik ikileriartitsineruvoq. Qalerallit tamarmiusut pillugit siunnersuineq tamarmiusoq Islandip, Kalaallit Nunaata aamma Savalimmiut imartaannut tunngasuuvoq.

Aalisagaqatigiit allat ataatsimut pigineqartut akerlianik Tunumi qalerallit isumaqatigiissummut ilaanngillat. Nunat sineriiallit Kalaallit Nunaat, Islandi Savalimmiullu

ataatsimut aqutsinissaq pillugu siornatigut ataatsimiittarnikuupput, kisiannili tamanna pillugu sulii isumaqatigiittoqanngilaq.

Islandi 2011-mut TAC-mik 13.000 tonsinik aalajangiivoq. Taamaammat Kalaallit Nunaata Islanditulli qalerallit pillugit pisinnaatitaaffeqarnini takutinniarlugu Kalaallit Nunaannut TAC-mik 13.000 tonsinik Naalakkersuisut aalajangiipput. Savalimmiut kisitsisinngorlugu pisassinneqanngilaq, kisiannili ullut aalisarfusinnaasut atorlugit aalisarnermik killilersuilluni.

Nunat marluk isumaqatigiissutaat naapertorlugu Kalaallit Nunaat EU-mut, Ruslandimut, Norgemut Savalimmiunullu Tunumi qalerallitassivoq, taassumalu kingorna Kalaallit Nunaanni inuussutissarsiortut 2011-mi 4.350 tonsinik pisassinneqarput.

5.2.2. *Imminnguit*

Imminnguit pillugit biologit siunnersuuteqanngillat. Maannakkut aalisarnerup takutippaa imminnguaqassasuseq killeqartorujussuaq. 2011-mut TAC 1.000 tonsinut aalajangerneqarpoq. Qalerallinniarnermut atatillugu immikkut pisat pillugit pisassiineruvoq.

5.2.3. *Suluppaakkat naqqasiortut*

Suluppaakkat naqqasiortut assigiinngitsut marluupput, tassa suluppaakkat angisuut (*Sebastes marinus*) aamma suluppaakkat itisoormiut naqqasiortut (*Sebastes mentella*). Suluppaagaqarfik Islandimut Savalimmiunullu isorartussuseqarpoq. Aalisarnerup annertunersaa Islandip imartaani ingerlanneqarpoq.

ICES-imi biologit inassuteqaataat tassaavoq Tunumi, Islandimi Savalimmiunilu tamani suluppaakkat naqqasiortut (*Sebastes marinus*) pisarineqartut annertunerpaamik 20.000 tonsiussasut. Suluppaakkat itisoormiut naqqasiortut (*Sebastes mentella*) pillugit Tunumut inassuteqaateqartoqanngilaq. Taamaammat Kalaallit Nunaata ICES qinnuigaa Tunumi suluppaakkanik naqqasiortunik annertunerusumik misissueqqullugu, ilaatigut suluppaagaqatigiit assigiinngitsut taakku marluk pillugit siunissami siunnersuuteqartarnissaq siunertaralugu. Ilimagineqarpoq ICES 2012-ip naanerani paasisaminik saqqummiisinnaassasooq. Kalaallit Nunaat suluppaakkat angisuut pillugit 2011-mut immikkut aammalu suluppaakkanik itisoormiunik naqqasiortunik pillugit ataatsimoortumik 8.500 tonsinik Tunumi pisassiissuteqarpoq Kitaanilu misileraanermut pisassiissutit 1.000 tonsit.

5.2.4. *Nataarnat*

Tunumi nataarnat pillugit biologit siunnersuuteqanngillat, siusinnerusumullu sanilliullugu allanngortoqarani. Naalakkersuisut, 2007 - 2010-lu assigalugit, TAC-mik 2.000 tonsinik aalajangiipput. Tamatumunnga pissutaavoq EU-p pisassinneqartarnera. EU-mut 2011-mi 1.125 tonsinik pisassiisoqarpoq.

5.2.5. *Qeeqqat*

Biologit siunnersuuteqanngillat, siusinnerusumullu sanilliullugu allanngortoqarani. Taamaammat Naalakkersuisut 2011-mut pisassiissutinik 1.000 tonsinik aalajangiipput.

5.2.6. *Ammassaar*

Jan Mayenimi, Islandimi Kalaallit Nunaannilu ammassaat ataatsimut aalisagaatigineqarput, taakkulu Norgem, Islandip Kalaallit Nunaatalu akornanni nunat pingasut isumaqatigiissuteqarnerisigut killilersorneqarput. Nunat taakku pingasut Islandimi Imarpimmik Ilisimatusarnermut Instituttemit siunnersuuteqarneq tunngavigalugu TAC-mik suleqatigiillutik aalajangiisarput.

Ammassaar pillugit isumaqatigiissut assigiinngiaartorujussuarnik imaqarpoq, TAC-mik arlaleriarluni aalajangiisoqartarluni. Ukioq pisassiiffik ingerlasarpoq 20. junimiit ukiup tulliani 30. april tungaanut. Ammassaar majimi junimilu kangiani eqqissisimatitaasarput. Nalinginnaasumik junimi TAC-mik aalajangiisoqarallartarpoq, decembarimilu inaarutaasumik TAC aalajangerneqartarluni. Nunat taakku pingasut akornanni inaarutaasumik pisassiissutinik aalajangiinermi inaarutaasumik TAC tunngavigalugu naatsorsuisoqartarpoq.

2010/2011-mi inaarutaasumik TAC 390.000 tonsinut aalajangerneqarpoq. Nunat pingasut akornanni isumaqatigiissut malillugu Kalaallit Nunaat 11 %-imik pisassaqqarpoq, tassa 42.900 tonsit, taakkunanngalu Aalisarnermi Peqatigiinnissaq pillugu Isumaqatigiissutip ataani isumaqatigiissummut ilassut malillugu EU TAC-ip tamarmiusup 7,7 %-ianik pisassinneqassaaq. EU-mut pisassiissutit taamaammat 30.030 tonsiupput, sinneruttullu 10.074 tonsit Islandimut ingerlateqqinneqarlutik ammassaar pillugit akiitsunut akilersuutitut, kalaallinullu aalisartunut sinneruttut taamaalillutik 12.870 tonsiullutik.

5.2.7. Blåhvillingit

Blåhvillingit EU-p, Norgep, Savalimmiut Islandilu aalisagaatigaat. Taamaakkaluartooq Kalaallit Nunaat NEAFC aqutugalugu blåhvillinginik pisassinneqartarpoq, aammattaaq taamatut Ruslandi, aamma nuna sinerialittut akuerineqanngitsooq.

Nunat sineriallit isumaqatigiissutigaaq 2011-mi blåhvillinginik pisat annertunerpaamik 36.908 tonsiussasut, taakkunanngalu Kalaallit Nunaat 217 tonsinik pisassaqqarpoq, tamannalu NEAFC-imi akuerineqarpoq. Pisassiissutit NEAFC-ip killilersuiffiani kiisalu Savalimmiut imartaani aalisarneqarsinnaapput.

Kalaallit Nunaata imartaani 2011-mi pisassiissutit 10.000 tonsiupput nunallu tamat imartaanni 217 tonsiullutik, tamannalu 2010-mut naleqqiullugu annertuumik appariarnerulluni, taamani pisassiissutit 2.924 tonsiusimallutik. Kalaallit Nunaata imartaani pisat killeqartorujussuupput.

5.2.8. Ammassassuit

Biologit siunnersuuteqanngillat. Naalakkersuisut 2011-mi Kalaallit Nunaata imartaani pisassiissutinik 10.000 tonsinik aalajangiupput. Aammattaaq Kalaallit Nunaat nunat tamalaat pisassiissutaannit 3.000 tonsiuteqarsimavoq, taakku Norgep imartaani aamma Savalimmiut imartaanni kiisalu nunat tamalaat imartaanni aalisarneqarsinnaallutik.

5.2.9. Misileraalluni aalisarneq

Kalaallit Nunaata kitaani avataasiorluni saarullinniarneq 2011-mi matoqqavoq, kisiannili norskit angallataannut misileraalluni aalisarnissamut 750 tonsit, EU-mi angallatinut 2.500 tonsit aamma kalaallit angallataannut marlunnut 1.475 tonsit akuersissutigineqarput. Saarullinnik misileraalluni avataani aalisarneq tamarmi taamaalilluni 2011-mi 5.000 tonsiuvoq.

Taassuma saniatigut ammassassuit, blåhvillingit kiisalu makrelinik aalisakkanut ataasiakkaanut tamanut 2.000 tonsinik misileraalluni aalisarnissaq akuersissutigineqarpoq, taakkunanga 486 tonsit, 24 tonsit aamma 62 tonsit aalisarneqareerlutik. Aamma guldlaksinut aamma hestmakrelinut misileraalluni aalisarnermut pisassiisoqarpoq, aalisarnerniilli taakkunaniit pisat pillugit nalunaarutit tiguneqarnikuunatik. Ataatsimut isigalugu aalisarneq annikitsuinnaavoq.

5.3. Kalaallit Nunaata Kitaa aamma Tunu

5.3.1. Saarullit

ICES-ip inassuteqaatigeqqippaa 2011-mi toqqaannartumik saarullinniartoqassanngitsaq. ICES-ip aamma inassuteqaatigaa ukiunut arlalinnut aqutsinermut pilersaarut suliarineqassasoq, peqassutsip annertuumik qaffariarnera pinngortartullu amerlinerat paasineqartinnagu aalisarnerup annertusisinneqannginnissaa tassani qulakkeerneqassalluni. EU-mik Aalisarnermi Peqatigiinnissaq pillugu Isumaqatigiissummut tapiliussamit 2007-2012-mut atuuttumi aamma takuneqarsinnaavoq aqutsinermi pilersaarusiortoqartariaqartoq.

Saarullinniarnermik aqutsinermik pilersaarummik siunnersuussiortussamik Naalakkersuisut 2007-imi suleqatigiissitaliorput, taannalu 2008-mi akuerineqarpoq. 2011-mi akuersissutigineqarnissaa siunertaralugu aqutsinermut pilersaarummik ineriartortitseqqinneq 2010-mi aallartinneqarpoq.

2011-mut taamaalilluni saarullinnik aqutsinermi pilersaarut malillugu 5.000 tonsinut misileraalluni aalisarnermut suli pisassiisoqassasoq aaliangiunneqarpoq, misileraalluni aalisarneq pillugu immikkoortoq qulaani taaneqartoq malillugu.

5.3.2. Suluppaakkat ikerinnarsiortut

TAC Kalaallit Nunaata, Savilimmiut, Norgep, Islandip, Ruslandip EU-llu akornanni agguarneqartarpoq. Aalisarnerup annertunersaa Irmingerhavep avannaata kangiaata tungaani ingerlanneqartarpoq, pisallu ikinnerit Irmingerhavemi sumiiffinni allani pisarineqartarlutik.

ICES ikerinnarsiortunik suluppaagaqarfiit assigiinngitsut marluk atorlugit 2010-mili siunnersuuteqarpoq: 1) *suluppaagaqarfiit ikerinnarmiittut*, tassani 2011-mut siunnersuut 0 tonsiulluni, tamanna 2010-mut naleqqiullugu allanngornani aamma 2) *itisuumi suluppaagaqarfiit*, tassani 2011-mut siunnersuut 20.000 tonsiulluni, tamannalu aamma 2010-mut naleqqiulluni allanngornani.

Suluppaakkanik aqutsineq, tassunga ilanngullugu TAC-mik aalajangiineq, NEAFC-imi peqataasut attuumassuteqartut akornanni isumaqatigiinniutigineqartarpoq.

Ukiut arlallit isumaqatiginninniartoqareersoq Ruslandi avaqqullugu nunat sineriallit 2011-mi isumaqatigiissuteqarnerat iluatsippoq suluppaakkat ikerinnarsiortut pillugit ukiunut arlalinnut aqutsineq agguassinissarlu pillugu. 2011-mut TAC taamaalilluni 32.000 tonsinut aalajangerneqarpoq Islandimut 31,02 %-imik, DGF-imut 28,98 %-imik (taakkunannga Kalaallit Nunaat 22,25 %-imik tunineqarluni aamma Savalimmiut 6,73 %-imik tunineqarluni), Ruslandimut 20,70 %-imik, EU-mut 15,45 %-imik kiisalu Norgemut 3,85 %-imik agguarneqartut. Kalaallit Nunaat 2011-mut TAC taamaalilluni 8.455 tonsinut aalajangerneqarpoq (38.000 tonsit 22,25 %-ii), 422 tonsinilli qaffanneqarlutik, taakku 2012-mut pisassiissutinit ilanngaatigineqarlutik. TAC tamarmiusoq taamaalilluni pisassiissutit 8.877 tonsinik 2011-mi qaffanneqarput.

6. Sinerissap qanittuani aalisarneq

6.1 Raajat

Sinerissap qanittuani aalisariutinut Kalaallit Nunaata kitaani raajanik pisassiissutit 43 %-iupput, takuuk Aalisarneq pillugu Inatsimmi § 5, imm. 3 (takuuk immikkoortoq 3.1.2). Taassuma assigaa 2011-mi 51.600 tonsit.

Tabel 4: 2004 – 2011-mi sinerissap qanittuani raajat pisassiissutit (tons)

Sinerissap qanittuani	2004	2005	2006	2007	2008	2009	2010	2011
Pisat	48.235	51.629	52.721	51.369	60.724	56.789	51.600	58.781

Najoqqutaq: KANUNAANA.

6.2. Saattuut

Saattuarniarnermi aqutseriaaseq nutaaq Naalackersuisut 2004-mi akuersissutigaa. Taassuma ilaatigut kinguneraa sinerissap qanittuani aalisarnerup aqutsiveqarfinnut immikkoortunut arfinilinnut tamarmik immikkut pisassiiffigineqartunut agguarneqarnera. Aalisariut ataaseq amerlanerpaamik aqutsiveqarfinni marlunni aalisarsinnaanermut akuersissuteqarsinnaavoq. Aammattaaq 64°15 N-ip avannaata tungaa ukiup qaammataani siullerni pingasuni matuneqarpoq. 2011 pillugu maleruagassaniit immikkut akuersisoqassanngitsoq aalajangiisoqarpoq.

Aqutsiveqarfimmi Qeqertarsuup Tunuani sinerissap qanittuani saattuarniarnermut biologit 2011-mut siunnersuutaat allanngorani 600 tonsiuvoq, kujataata tungaani avannaatalu tungaani aammalu Vaigatimi 200 tonsiulluni, tamannalu 2010-mut naleqqiullugu allanngornani. Aqutsiveqarfimmi Sisimiut eqqaani sinerissap qanittuani peqassutsip pitsanngoriarnera takussutissaqarpoq, 2011-milu pisassiissutit 500 tonsinut aalajangerneqarput, tamannalu 2010-mut naleqqiullugu allanngornani, qangalili aalisarfiusartuni 300 tonsit kangerlunnilu Isortoq Avannarlermi aamma Kangerlussuarmi sinneruttut 200 tonsit. Aqutsiveqarfimmi Nuuk-Paamiut 2011-mut siunnersuutit 200 tonsiupput, tamannalu 2010-mut naleqqiullugu allanngornani.

Aqutsiveqarfinnut Upernavimmut, Maniitsumut kiisalu Narsaq-Qaqortumut, biologinit misissuinerit amigaataaneri pissutigalugit, sinerissamut qanittumi aqutsiveqarfinni siunnersuisoqanngilaq.

Tabel 5 2004 – 2011 sinerissamut qanittuni aalisarnermut TAC (tons)

Sinerissamut qanittumi	2004	2005	2006	2007	2008	2009	2010	2011
TAC	4.200	5.236	4.440	4.380	4.200	2.150	3.150	2.280

Najoqqutaq: APNN.

Naalackersuisut aalajangiipput 2011-mi sinerissap qanittuani saattuarniarnermut pisassiissutit 2.230 tonsiussasut. December 2011-mi aqutsiveqarfimmi Narsaq-Qaqortumi pisassiissutit 50 tonsinik qaffanneqassasut aalajangiipput, taamaalilluni pisassiissutit tamarmiusut 2.280 tonsinngorlutik, aamma takuuk immikkoortoq 5.1.7.

6.3. Uiluut

2004-miilli biologit nutaamik siunnersuuteqarnikuunngillat imaluunniit aalisarnermik inuussutissarsiuqartut uiluinniarnermi aqutsinerup allanngortinnissaanik kissaateqarnikuunatik. Taamaammat Naalackersuisut toqqarpaat pisassiiviit 2011-milu TAC-iit allanngussanngitsut. Maannakkut taamaallaat angallat ataaseq uiluinniarpoq.

Tabel 6: 2004 – 2011-mi uiluut pillugit pisassiiffiusut aamma TAC

Pisassiiviit	2004	2005	2006	2007	2008	2009	2010	2011
Nuuk	720	720	720	720	720	720	720	720
Aqajarua*	0	0	0	0	0	0	0	0
Attu**	100	100	100	100	100	100	100	100

Sisimiut – Kujataa (Saqqaq)	400	400	400	400	400	400	400	400
Sisimiut – avannaa (Kangaarsuk)	700	700	700	700	700	700	700	700
Isortoq	300	300	300	300	300	300	300	300
Uiluut katillugit	2.220	2.220	2.220	2.220	2.220	2.220	2.220	2.220

* Sumiiffiup eqqissimatitaanera pissutigalugu 2003-mi matuneqarpoq.

** Sumiiffiup matuneqarsimasup avataani killeqanngitsumik aalisartoqarsinnaavoq.

Najoqutaq: APNN.

6.4. Qalerallit

Sinerissap qanittuani aqutsiveqarfinni pingasuni Qeqertarsuup Tunuani, Uummannami aamma Upernavimmi tamani immikkut pisassiisarnepur ingerlatiinnarneqarnissaa biologit inassuteqaatigaat. Sumiiffinnut siunnersuinerit ukiuni marlunni atuutissapput. Inuussutissarsiutigalugu aalisarnermit paasissutissat biologillu misissuinerisa naammanginnerat pissutigalugu Upernavimmi Kalaallillu Nunaata sinnerani biologit naliliinertik nutartersinnaanngilaat, taassumalu kinguneranik sumiiffinni taakkunani pisassiissutit annertussusissaannik inassuteqaateqarsinnaanatik. Paasineqarporli ukiukkut aalisarnermi pisat qalerallillu agguaqatigiissillugu angissusaat Upernavimmi allanngunngitsut.

Qeqertarsuup Tunua eqqarsaatigalugu inassuteqaatip ukiup siuliani inassuteqaat assigaa, tassa 2011-mi pisat annerpaamik 8.000 tonsiussasut, tamannalu 2010-mut naleqqiullugu 800 tonsinik ikileriarnelluni. Pisat ikinnerunissaat inassuteqaatigineqarpoq tassa aalisakkat ukiuni kingullerni pisarineqartartut mikinerulernikuunerat pissutigalugu. Aqutsiveqarfik Uummannaq eqqarsaatigalugu inassuteqaatigineqarpoq 2011-mi pisat suli 5.000 tonsit qaangissanngikkaat. 2007-imi inassuteqaatigineqarpoq biologit siunnersuuteqartarnerannut ikiuutaasussamik logbogeqartussaataaneq atuutilersinneqassasoq. Maannakkut aalisariutit 30 fodinit anginerusut nalunaaruteqartussaataalernikuupput.

Tabel 7: Piffissami 2003-2011-mi sinerissamut qanittumi qalerallit (uumatillutik oqimaassusaat):

Tons	2003	2004	2005	2006	2007	2008	2009	2010	2011
Qeqertarsuup Tunua	12.137	12.776	12.574	10.731	11.173	8.415	6.321	7.682	8.005
Uummannaq	5.307	5.320	5.533	6.312	5.457	6.048	5.469	5.995	6.339
Upernavik	3.949	4.611	3.533	5.638	4.790	4.743	6.497	6.541	6.462

Najoqutaq: KANUAANA.

Aammattaaq sumiiffiit pisassiiviit avataanni Qaanaami, Tunumi Kalaallillu Nunaata kitaata kujataani sinerissap qanittuani annikitsuararsuarmik aalisartoqarpoq.

Aqutsiveqarfinni Qeqertarsuup Tunuani, Uummannami Upernavimmi 2011-mut TAC Naalakkersuisunit imatut aalajangerneqarput:

Qeqertarsuup Tunua: 8.000 tons
 Uummannaq: 6.000 tons
 Upernavik: 6.500 tons

Ukiut siuliinut akerliusumik ukiup naalernerani sinerissamut pisassiissutit Naalakkersuisunit qaffanneqanngillat, taamaalillutillu biologit siunnersuutaat malillugit.

6.5. Saarullit

Sinerissap qanittuani saarullinniarnermut 2011-mut TAC 10.000 tonsinut aalajangerneqarpoq. Kvartalit pingajuisa naalerneranni pisassiissutit 1.500 tonsinik qaffanneqarput, taamaalilluni 2011-mi TAC tamarmiusoq 11.500 tonsiulluni.

Tabel 8: Sinerissamut qanittumi pisat 2003 – 2011 (tons)

Sinerissa- mut qanittumi	2003	2004	2005	2006	2007	2008	2009	2010	2011
Pisat	-	5.233	6.568	7.805	11.693	12.270	7.808	4.663	11.007

Najoqutaq: KANUAANA.

6.7. Kapisillit

Kapisillit noorartorujussuusarput, Atlantikullu avannaani kapisillit pillugit suleqatigiimmi, NASCO-mi (North Atlantic Salmon Conservation Organization) suleqatigiinneq aqutugalugu killilersorneqarlutik.

ICES-imi biologit siunnersuinerminni 2009-miit 2011-imut mianersoqquseqqippit. Kapisillit piffissat ingerlaneranni ikinnerpaasutut nalilerneqarput, peqassuserlu pitsanngorsarniarlugu maannamut iliuusaasut pitsannguutaasutut isikkoqanngillat. Taamaalilluni Kalaallit Nunaata 2002-miit ukiumut taamaallaat 20-40 tonsit missaanni nammineq atugassannik aalisartitsinera takussaasumik sunniuteqanngilaq.

NASCO-mi 2011-mi junimi ukiumoortumik ataatsimiinnermi Kalaallit Nunaat isumaqatigiinniarnermi angusaqaqqippoq, tassani nammineq atugassanik 2011-mi kapisilinniartoqarsinnaalluni. Nammineq atugassanik aalisarnermik taaneqartartumi kapisillit 20 tonsit missaaniinnerat nalilerneqarpoq – annertussuseq annerpaaffeqanngitsoq pisassiissutilluunniit qummut killeqaratik. 2011-mi pisat tamarmiusut nalunaarutigineqartut 20 tonsit missaaniissimapput.

7. Kalaallit Nunaata nunallu Kalaallit Nunaata aalisarneq pillugu isumaqatigiissusiorfigisaata akornanni pisassiissutinik agguaneq

Aalisagaqatigiinnut assigiinngitsunut TAC-mik Naalakkersuisut aalajangiinerisa kingorna pisasiissutit Kalaallit Nunaata nunallu Kalaallit Nunaata aalisarneq pillugu isumaqatigiissusiorfigisaata akornanni agguarneqartarput. Agguanerit ilanngussani 1-imi 2-milu takuneqarsinnaapput.

7.1. EU

EU-mut isumaqatigiissut Kalaallit Nunaata aalisarneq pillugu isumatigiissutaasa pingaarnersaraat. Aalisarneq pillugu isumaqatigiissut isumaqatigiissummut ilassutikkut immerneqartarpoq. 1. januar 2007-imi ukiumut arfinilinnut EU-mut isumaqatigiissut atuutilerpoq. Isumaqatigiissummut ilassutini pisassiissutit annertussusaat Kalaallit Nunaata EU-mut tunisai allaqqasarput. Aningaasatigut akiliutitut Kalaallit Nunaat ukiumut 320 mio. kr.-inik pissarsisarpoq. Taakkunanga 135 millionit aalisarsinnaanermut akiliutaasarput, sinnerilu 187,5 millionit nunarsuarmi peqatigiinnermut isumaqatigiissutinut atallutik.⁵

⁵ Kalaallit Nunaat - EU –llu isumaqatigiissutaanut ilassut nr. 5, 1. januar 2007- 31. december 2012

Tabel 9: Kalaallit Nunaata Kitaani EU-p aalisarsinnaanermut periarfissai (tons):

	Nuussereernerup kingorna EU-mut pisassiissutit	Isumaqatigiissut malillugu EU-mut pisassiissutit
Qalerallit Kitaata Kujataani	1.850	2.650
Raajat	4.000	4.000
Nataarnat	125	200
Saaattuut	500	500

Annertussutsini tabelimi 9-mi takuneqarsinnaavoq qalerallit 800 tonsit Norgemut nuunneqartartut. Nataarnat 75 tonsit aamma Norgemut nuunneqarput. 2006-miilli saattuarniarsinnaaneq EU-p atornikuunngilaa.

Tabel 10: Tunumi EU-p aalisarsinnaanermut periarfissai (tons):

	Nuussereernerup kingorna EU-mut pisassiissutit	Isumaqatigiissut malillugu EU-mut pisassiissutit
Qalerallit	6.676	7.000
Raajat	2.577	7.000
Nataarnat	1.125	1.200
Ammassaar	15.400	15.400

Tabelimi 10-mi pisassiissutinit qalerallit 824 tonsit Norgemut nuunneqarput. Raajat 3.100 tonsit Norgemut nuunneqarput. Nataarnat 75 tonsit Norgemut nuunneqarput. Ammassanik EU-mut pisassiissutit Islandimut nuunneqartarunnaarput.

Tabel 11: Kalaallit Nunaata Kitaani aamma Tunumi EU-p aalisarsinnaanermut periarfissai (tons):

	Nuussereernerup kingorna EU-mut pisassiissutit	Isumaqatigiissut malillugu EU-mut pisassiissutit
Saarullit	2.500	2.500
Suluppaakkat	5.227 (qalorsuit ikerinnarsiutit atorlugit aalisartoqartarpoq)	5.227
Suluppaakkat misileraaneq	1.200	1.200
Saniatigut pisat	2.180	2.300

Tabel 11-mi pisassiissutinit EU imminguanik 120 tonsinik Norgemut nuussivoq, saniatigut piasisuukkatut pisassiissutit.

7.2. Savalimmiut

Savalimmiormiut Kalaallit Nunaata imartaani aalisarnerat annikitsuinnaavoq. Kalaallit Nunaata Savalimmiullu akornanni 2011-mut isumaqatigiissummut ilassut malillugu Kalaallit Nunaata kitaani 68°00 avannaani avataani aalisarnermi qalerallit 100 tonsit savalimmiormiut aalisariutaasa aalisarsinnaavaat. Savalimmiut aamma Kalaallit Nunaata imartaani aalisagaqatigiinnik assigiinngitsunik misileraalluni aalisarnissamut periarfissaqarpoq, ilaatigut Tunup avannaani raajat 100 tonsit aammalu Tunumi saarullinnik, brosmenik qeeqqanillu

misileraalluni aalisarsinnaalluni. Aalisarnermi tassani saniatigut pisat tamarmiusut 275 tonsit qaangissanngilaat, saarulliillu pisat tamarmiusut 275 tonsit qaangissanagit.

Savalimmiormiunut Kalaallit Nunaata imartaani pisassiissutinut taarsiullugu Savalimmiut imartaani aalisakkanik naqqasiortunik ulluni aalisarfiusuni 60-ini ningittagarsuut ataaseq misileraalluni ineriartortitsillunilu aalisarsinnaavoq. Taassuma saniatigut atlanto-skandisk ammassassuarnik Kalaallit Nunaat 2011-mi 3.000 tonsinik pisassinneqarpoq, taakkulu Savalimmiut aalisarnermi oqartussaaffianni imaluunniit nunat tamat imartaanni aalisarneqarsinnaapput.⁶

7.3. Norge

Kalaallit Nunaata Norgellu akornanni isumaqatigiissut 2011-meersoq naapertorlugu, norskit aalisariutaat Kalaallit Nunaata imartaani 2011-mi imatut pisassinneqarput:

Tabel 12: Kalaallit Nunaata eqqaani Norgemut 2011-mit pisassiissutit (tons):

	Nuusereernerup kingorna Norgemut pisassiissutit	Isumaqatigiissut malillugu Norgemut pisassiissutit
Kalaallit Nunaata Kitaa		
Qalerallit Kitaata Kujataani	900	900
Nataarnat	75	0
Saarulliit	750	750
Tunu		
Qalerallit	1.199	275
Raajat	3.100	0
Suluppaakkat , naqqasiortut	400	400
Suluppaakkat , ikerinnarsiortut	1.800	300
Nataarnat	310	235
Saniatigut pisat	270 max 10 %	150
Kalaallit Nunaata Kitaa Tunulu katillugit		
Saarulliit	750	750
Suluppaakkat , ikerinnarsiortut	300	300
Saniatigut pisat	270 annerpaamik 10 %	150

Tassunga ilanngunneqassaaq Kalaallit Nunaata, Norgep Islandillu akornanni ammassaat pillugit isumaqatigiissut malillugu ammassannik TAC-p tamarmiusup 390.000 tonsiusup 8 %-iinik Norge pisaqarsinnaavoq.

⁶ Isumaqatigiissummut ilassut 2011: Savalimmiut Naalakkersuisuisa Namminersorerullutillu Oqartussat akornanni aalisarnermi apeqqutit pillugit isumaqatigiissutaannut 27. maj 1997-imeersumut.

Norgemut pisassiissutitut taarsiullugu Kalaallit Nunaat Barentshavemi ilaatigut saarullinnik 2.150 tonsinik, kullerinik 630 tonsinik aamma sejlinik 1.000 tonsinik pisaqarsinnaavoq. Taakku saniatigut saniatigut pisat katillugit 260 tonsit akuerineqarlutik.⁷

7.4. Rusland

Kalaallit Nunaat pisassiissutitut Ruslandimik aamma paarlaasseqateqartarpoq. Isumaqatigiissummut 2011-mut ilassut malillugu russit aalisariutaat Kalaallit Nunaata imartaani pisassiissutitut ukuninnga aalisarsinnaapput:

Tabel 13: Kalaallit Nunaanni Ruslandimut 2011-mi pisassiissutit (tons):

Kalaallit Nunaata Kitaani	
Qalerallit Kitaata Kujataani	1.225
Qalerallit Kitaata avannaani	650
Saniatigut pisat	10 %
Tunu	
Qalerallit	1.375
Suluppaakkat ikerinnarsiortut	3.350
Saniatigut pisat	10 %

Pisassiissutitut taakkununga taarsiullugu Kalaallit Nunaat Ruslandip imartaani saarullinnik 5.000 tonsinik aamma kullerinik 1.500 tonsinik aammalu saniatigut pisanik 10 %-inik pisassinneqarpoq.⁸

7.5. Island

Islandi ukiumi pisassiiffiusumi 2007-2008 (aalisarneq 1. juli missaani aallartitarpoq 1. majip tungaanut) imartami Jan Mayenip, Islandip Kalaallit Nunaatalu akornanni ataatsimoorullugu ammassaatinit 81 %-inik aalisarsinnaavoq. Ukiumut pisassiiffiusumut 2010/2011-mut TAC oqaatigineqareersutut 390.000 tonsiuvoq.

7.6 Nunat marluk nunallu amerlasuut akornanni suleqatigiinnerit

Kalaallit Nunaat Norgemik, Ruslandimik, Savalimmiunik Islandimillu ataatsimut isigalugu pitsaasumik suleqateqarpoq. Tamanna aamma nunarsuup immikkoortuani aalisarnermik aqutsinermi suleqatigiiffinni NAFO-mi, NEAFC-mi aamma NASCO-mi Atlantikup avannaani aalisarnermik killilersuisuni nunat amerlasuut suleqatigiinneranni atuuppoq. Nunat marluk ataatsimiittarnerisa nunarsuullu immikkoortuani aalisarnermik suleqatigiiffinni ataatsimiinnerit saniatigut suluppaakkat ikerinnarsiortut agguanneqarnissaat pillugu Savalimmiunik Islandimillu akornanni nunat sineriiallit 2011-mi ataatsimiippat.

⁷ Isumaqatigiissummut ilassut 2011: Illugiilluni aalisarnikkut Norgemik aamma Kalaallit Nunaata/Danmarkip akornanni atassutit pillugit isumaqatigiisut 9. juni 1992-meersoq

⁸ Isumaqatigiissummut ilassut 2011: Ruslandip illuatungaani Danmarkip Namminersornerullutillu Oqartussat akornanni aalisarneq pillugu attaveqatigiinnermut isumaqatigiisut 7. marts 1992-meersoq

8. Ilanngussaq 1: Avataasiarluni aalisarneq – 2011-mut pisassiissutit
aamma Ilanngussaq 2: Sinerissap qanittuani aalisarneq – 2011-mut
pisassiissutit

**Ilanngussaq 1: Avataasiarluni aalisarneq, 2011-
mi pisassiissutit**

		Kol. 1	Kol. 2	Kol. 3	Kol. 4	Kol. 5	Kol. 6	Kol. 7
		Pisassiissutit katillugit (tonsit)	Pisassiissutit nunanut agguarlugit					
			Kalaallit Nunaat	EU	Savalimmiut	Island	Norge	Rusland
Kalaallit Nunaata kitaa								
	Raajat	72.400	68.400	4.000				
4) 5)	Qalerallit Kitaata Kujataani	7.000	2.225	1.850	-		1.700	1.225
	Qalerallit Kitaata Avannaani	6.500	5.725	-	100			650
	Saattuut	500	-	500				
	Imminnguit	1.000	1.000	-				-
	Suluppaakkat	1.000	1.000					
5)	Nataarnat	1.000	1.000	125			75	
	Qeeqqat	1.000	1.000					
	Saniatigut pisat	-	-					annerpaamik 10%

Tunu

4) 5) 7)	Raajat	12.400	5.400	3.900	-		3.100	
4) 5) 7)	Qalerallit	13.000	4.350	6.176	-		1.099	1.375
	Imminnguit	1.000	1.000	-			-	
	Suluppaakkat							
6)	naqqasiortut	8.500	6.900	1.200			400	
5)	Nataarnat	2.000	565	1.125			310	-
	Qeeqqat	1.000	1.000					
1)	Ammassaat	42.900	12.870	19.956	-	10.074		
7)	Saarullit	-	-	-	-			
	Blåhvillingit	10.000	10.000					
	Ammassasuit	10.000	10.000					
	Saniatigut pisat			-	-			annerpaamik 10%

**Kalaallit Nunaata
kitaa Tunulu**

9)	Saarullit	5.000	1.475	2.500	-		750	
4) 5) 6)	Suluppaakkat, ikerinnarsiortut	8.877	-	5.227	-		300	3.350
8)	Saniatigut pisat			2.180			270	Annerpaamik 10%

Norge

	Sarullit	2.150	2.150					
	Kullerit	630	630					
	Sejit Avannaani	1.000	1.000					
2)	Saniatigut pisat Avannaani	260	260					

11)	Ammassassuit	3.000	3.000						
Rusland									
	Saarullit	5.000	5.000						
	Kullerit	1.500	1.500						
	Saniatigut pisat	max 10%	max 10%						
Savalimmiut									
11)	Ammassassuit	3.000	3.000						
Nunat tamat									
11)	Ammassassuit	3.000	3.000						
	Bláhvillingit								
	Nunat tamat NEAFC: 2.924 tons taakkunangga 217 tonsit Savalimmiut imartaanni aalisarneqarsinnaallutik								
	Raajat								
10)	NAFO-mi sumiiffimmi: 3M. Matoqqavog								
	NAFO-mi sumiiffik 3L: 1.985 tonsit Savalimmiut peqatigalugit taakkunangga Kalaallit Nunaannut 340 tonsit								
	Svalbard: ullut aalisarfiit 450								
	Misileraalluni aalisarneq								
3)	Savalimmiut eqqaani: ullut aalisarfiit 60								

Oqaaseqaatit:

- 1) Ammassannik TAC-iugallatoq ukiumut pisassiiffiusumut 20. junimiit 30. aprilimut (kangiani qaammagini majimi-junimi eqqissititaasarput) junimi aalajangersarneqartarpoq. Inaarutaasumik TAC piffissap aalisarfiusup naalerani aalajangerneqartarpoq. Piffissamut aalisarfiusumut 2010/2011-mut inaarutaasumik TAC 390.000 tonsinut aalajangerneqarpoq. Kalaallit Nunaata pisassiissutit 12.870 tonsit pivai. EU-mik isumaqatatiigiissut malillugu kalaalinut pisassiissutit 70 %-ii EU-mut tutsinneqassapput, tassa 30.030 tonsit. EU-p 10.074 tonsit Islandimut nuuppai.
- 2) Aalisakkanik allanik (suluppaakkat qalerallillu) Norgep imartaani 62°N avannaata tungaanni saniatigut pisat 260 tonsit tikillugit.
- 3) Kalaallit Nunaat Savalimmiut eqqaanni aalisakkanik naqqasiortunik ulluni aalisarfiusuni 60-imi aalisarsinnaavoq.
- 4) EU 2011-mi Savalimmiunut isumaqatigiissuteqanngilaq.
- 5) EU Norgemik isumaqatigiissuteqarpoq EU-mut pisassiissutit Norgemut nuunneqassasut. Tassani pineqarput Kalaallit Nunaata Kitaani qalerallit 800 tonsit, nataarnat 75 tonsit kiisalu Tunumi raajat 3.100 tonsit, qalerallit 824 tonsit aamma nataarnat 75 tonsit.
- 6) EU-mut pisassiissutit 5.227 tonsit suluppaakkat ikerinnarsiortut qalorsuarnik ikerinnarsiutunik aalisarneqarsinnaapput. Pisassiissutit Tunumi Kitaanilu aalisarneqarsinnaapput. Nalunaaruteqartarnissamik Kalaallit Nunaata piunasaqaatai malinneqarpata NEAFC-ip killilersuiffiani pisassiissutit EU-p aalisarsinnaavai. Pisassiissutit annerpaamik 70 %-ii sumiiffiup killilersuiffineqartup iluani aalisarneqarsinnaapput, piffissamilu 1. april – 10. majimi pisassiissutit annerpaamik 15 %-ii aalisarneqarsinnaallutik. Suluppaakkat ikerinnarsiortut eqqarsaatigalugit EU misileraalluni aalisarnermut 1.200 tonsit immikkoortissimavai.
- 7) Tunumi saarullinnik, rosminik qeeqqanillu savalimmiormiut angallataannut qalorsuarsortunut aamma/imaluunniit ningittagarsortunut amerlanerpaamik pingasunut Kalaallit Nunaat Tunumi misileraalluni aalisarsinnaatitaavoq. Misileraalluni aalisarnermi tassani nataarnanik qalerallinnillu saniatigut pisat tamarmiusut amerlanerpaamik katillugit 275 tonsiussapput. Saarullit pisat tamarmiusut 274 tonsit qaangissanngilaat. Taakku saniatigut Savalimmiut Tunumi raajanik 100 tonsinik misileraalluni aalisarnermut pisassinneqarput. Misileraalluni pisassiissutit ilanngussaq 1-imi ilanngunneqanngillat.
- 8) EU-p saniatigut pisat amerlanerpaamik 2.180 tonsiussapput. 120 tonsit saniatigut pisassiissutit Norgemut tuneqqinneqarput. Aamma Kalaallit Nunaata 150 tonsit saniatigut pisassiissutit Norgemut nuuppai.
- 9) Saarullittassiissutit 5000 tonsiupput aamma Tunumi Kitaanilu misileraalluni aalisarnermut tunniunneqarlutik.
- 10) Sumiiffik 3M-imi aalisarneq ukiumi pisassiiffiusumi 2011-mi matunneqarpoq.

11) Pisassiissutit Norgep, nunat tamalaat kiisalu Jan Mayenip eqqaani aamma Savalimmiut imartaanni aalisarneqarsinnaapput.

Ilaanngussaq 2: Sinerissap qanittuani aalisarneq, 2011-mi pisassiissutit

Kol. 1
Pisassiissutit katillugit (tonsit)

Kalaallit Nunaata kitaa

Raajat	54.500
--------	--------

Saattuat1)	2.430
------------	-------

Uiluiit Nuuk	720
Uiluiit Aqjaruani3)	-
Uiluiit Attu2)	100
Kujataata tungaa – Saqqaq	400
Avannaata tungaa – Kangaarsuk	700
Nassuttooq	300
Uiluiit katillugit	2.220

Qalerallit Upernavik	6.500
Qalerallit Uummannaq	6.000
Qalerallit Qeqertarsuup Tunua	8.000
Kalallit Nunaata sinnerani	-
Qalerallit katillugit	20.500

Saarulliit	11.500
------------	--------

Oqaaseqaatit:

- 1) Saattuanik pisassiissutit Kitaani aqutsivinnut arfinilinnut agguarneqarsimapput.
- 2) Sumiiffiup matuneqarsimasup avataannaani aalisarneqarsinnaapput
- 3) Sumiiffik matuneqarsimasoq